

درسعادته یکی پوسته خانه قارشوسنده
داثره مخصوصه در
محل اراره:

مستطابق

افطار:

مسلكمزه موافق آثار جدیه مع المنزیه قبول اولنور
درج ایدیلیم آثار اعاده اولنور

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

تاریخ تأسیسی:

۱۱ نموز ۳۲۴

درسعادته نسخه سی ۵۰ پاره در

قیریلنه دن مقوا بورو ایله کوندریلیرسه سنوی
۲۰ غروش فضلہ آلتیز.

درسعادته پوسته ایله کوندریلیرسه ولایات بدلی اخذ اولنور.

درسعادته	سنه لکی	القی ایلغی
ولایاتده	۶۵	۳۵
ممالک اجنبیه ده	۹۰	۵۰
	۱۰۰	۵۵ غروشدر.

عدد: ۳

۳۲۶ شعبان ۱۴ پنجشنبه ۲۸ اغستوس ۳۲۴

برنجی سنه

اوکنه قونش آیات ربوبیتدر . یاستعان ! بزلی رسول اکرم وحبیب
محترمک حرمتنه لوحه مکونانده مرتسم آیات ربوبیتکی ، کال لذت ایله
تماشا ایدن زمرة اصفیایه الحاق ایت .

محکمه تمیز اعضاسندن

برکت زاده اعماعل مهنی

— معجزات قرآنیہ —

قرآن عظیم الشان، که غیب الغیوب احدیتدن جامه جانربای عربیله ساحه
تبلیغ ورسالتده فرمانفرمای احدیت اولان برکتاب جلیل صمدانیدر ،
هرسوره سی برکتجینه جواهر معالی ، هرجه سی برسلک لالی عوالیدر .
هرکلمه سنده بیکلرجه حکم واسرار مندرج ، هر حرفنده نیجه نیجه
نکت ودقائق مندمجدر . حصه بخشای اخلاف اولان قصص سالفه فی
آینه صیقل داراستقباله عکس ایدرک برصحنه تماشای عبرت تشکیل ایدن
قرآندر . ادیان مختلفه ومذاهب ماضیه فی حاده تدقیق نسخ واثباتدن
کچیره رک غیر قابل اندراس برصراط مستقیم تمدید ایدن قرآندر .
اخلاق انسانیه تهذیب ایدیله ابدیله منتهای کماله واصل اولسه ینه اخلاق
قرآنییه توافق اتمکله حائز نصاب تقدیر ودرایع فیه تلاحق افکار
ایله تکامل ایده اید، نهایت بواسطه انجق حقایق قرآنییه کشف وتوضیح
ایده بیلک صورتیه حیرت افزای تفسیر اولور .

برزمانلر نظم غریب واسلوب عجیبیه فصیحای بنی عدنانی برزمانلرده
اخبار صادق و احکام بارقه سیله بتون جهان جهانیانی مهوت و حیران
ایدن اوکتاب قدرت بوکون هر فکر تجدد آورک یکنه مراجعتگاه عرفانی
وهر عقل حقیقه پرورک قسطاس صحیح المیزانی واخله معجزه نمای حکمت اولور .
« چیست این سقف بلند ساده بسیار نقش ، زین معما هیچ دانا
درجهان اگاه نیست » بیتک ماضق حقیقی اولان او حقایق قرآنی
اوقبه منافام اثیرک مشکلاتی حل ایدن قوزموغرافیای جامع دکلدرد .
خلاصه موجودات اولان نوع بنی بشرک مهد ووجودی اولغله
تختگاه عالم طبیعت بولنان ادیات سفلیه وطبقات ارضیه نظر انداز
امعان اولهلم حقایق قرآن ، اوساحه غرای فطرتک صورت تشکل
وکرویتی وبحار وانهارینک صورت تحصیل و حکمتی و جبال و صحرایسنک
حیات مدنییه کی تأثیر ومنفعتی مبین فنون طبیعیه یی می حاوی دکلدرد ؟
هر موجودک کالنی ، هر ذی حیاتک سرار احوالی نسخه کبرای
هویتنده جمع اتمک وایچ یوزنجه حقه وطیش یوزنجه خلقه تعلقله
بالنفس صانع لم یزلک برهان ساطع ثبوتی اولمق صورتیه مردم دیده
اکوان اولان انسان پدش اعتباره آلهلم . قرآن ساطع البرهان ،
اوسلطان سلاطین خلقتک اسباب عز وسعادتق ، وسائط صحت وعافیتق ،
وسائل تکامل ومعرفتی واینبای جنسیله صورت اجتماع ومعیشتی
مهلکات مادیه ومعنویه سنی ومضرات دنیویه و اخرویه سنی متضمن
حقوق ، جزا ، طب ، اخلاق ، مواظ ، حکمیاتک دقیق
مبائلی می احتوا ایتامشدر . . .

صویه تودیع بیورلمش سروخاصه ایله سطح دریاده سفینه لر
باتمیوب یوزیورلر وبوسبب ایله دریا بین الاقوام واسطه تجارت اولور .
اراده علیه الهیه موجبجه هوا وحرارت شمس کی اسباب سناویه ایله
اعماق ارضدن جو هوایه یوکسکلن انجره دن سحاب حصوله کله رک
آندن زمینه باران نازل اولمسیله او قوریمش برلره تازه حیات کلدور .
باغیر اکیلر چنلر چیچکلر ایله مزین اولور ، حسن ورونق آرتیور
بیکلرجه بیک ذی روحلر وبالحاصله انسانلر بریر یایلمش خوان نعمت
ربانیه دن نواله چین عاطفت وعنایت اولورلر .

« وجعلنا من الماء کل شیء حی »

روزکارلر برجهتدن او برجهته کاه سرت کاه خفیف کاه صفوق
کاه صیحاکی اسبور . مابه الحیاة اولان هوا برآن کلسله بتون ذیروح
هلاک اولور وروی زمینده هر شیء تعفن ایدر ایدی . سحابپاره لر اجنه
ریاح اوزرنده افقک براوجندن او براوجنه اوچوشوب کیدیورلر .
بونلر کونشک قزغین شعاعلرینی منع ایدور . وقور اقلق زماننده برلری
اروا ایدیورلر . باشمک اوستنده معلق اولان بو عظیم صو خزینه لر
بردنبه بوشانیور . باران معتدل اوله رق نزول ایدیور . انسان سعی
متمادی ایله بحسب الطاقه اسرار طبیعت وفطرتی کوندن کونه کشف
ایدرک دائره معلوماتی توسیع ایلدکجه بخار وضیا کی نیجه اموری نیجه
صورتله منافعه ده استخدام ایدیور .

« وایتکم من کل ما سئلتوه وان تعدوا نعمت الله لا تحصوها »

بو بو کی نیجه نیجه حالات حیرتفرای تأمل ایدنلر قابل می درکه
وجود باری بی اعتراف ایتسون . بوصنائع بدیعده ، وتصرفات علیه ده ،
فکر بشره طرف باریدن عنایت واحسان بیوریلان بودرجه وسعت
واقندارده ، قدرت وعظمت ومرحت خالق سیر و تماشا ایتسون .
ممکن می درکه عبادتده معبود ذیشاننه عجزه مخلوقات کترین اشیا یی تشریک
ایتسون . کشاننده مسطور اولدینی اوزره خواجه کائنات علیه افضل
التحیات افندمزدن مرویدرکه « ویل لمن قرأ هذه الآیه فنج بها »
بیورلمشدر . بو آیتی اوقویوب ده انده تفکر وتأمل ایتمین کیمسه یه یازقلر
اولسون دیکلر .

اصفیای امت هر شیده عجائب قدرت ربانیه یی مطالعه ایتمشلردرد .
تفسیر رازیده حکایه اولمشدرکه برکون برسی نزد جناب فاروقده :
« شوسطنجه تعجب ایدرم سطرنج تخته سنک طول وعرضی بررارشوندن
عبارت ایکن انسانک اوزرنده بیکلرجه او یون اویناسه براوینادینی او یون
مطلقا او برینه بکزه من » دیدی . حضرت فاروق رضی الله عنه شو
جوابی ویردی : « بوندن دها حیرت افزا بودرکه انسانک طولاً وعرضاً
برر قارشندن عبارت بولنان یوزنده قاشلر کوزلر برون آغز کی اعضانک
برلری قطعه تغییر اتمدیکی حالده ینه شرق وغرب عالمده یوزلری
بر برینه تماننه بکزر ایکی آدم بوله مازسین . شو اوافق بردری پارچه
سندن بوحدو پایانسراختلافلری کوسترن اوقدرت وحکمت نه قدر بیوک .
یار خسارده اوقدر حسن وملاحت وکوزلرده بو قدر هنر وصنعت
ابراز ایدن قدرت فاعله دها آز می محیر العقولدر . بونلر کوزلر منزک

معصومك قاتى صوروب توكتدكلرینی كوردكجه « لاتركنوا الى الذين ظلموا فتمسكم النار » آیت جلیله سی کویا اولجه هیچ اوقونامش واستماع ایدلامش کی مهابت افزای سنوح اوله رق اوخونه مذلت مصیرك افعال دنائت اشتمالی نصل بر جزای آتشین ایله نتیجه پذیر اوله جفنی کوستردی . آیت جلیله نك معنای شریفی « ای قوللرم ظالمه میل جزئی ایله ده میل و محبت و مداهنه و مخالطت ایتمه یك زیرا انلره میل ایدرسه کز سزی نارجهنم مس ایدر » دیمکدر .

ایمدی ظالمه میل و محبتك جزای سزاسی نارجهنم اولنجه بالذات صفحات حیاتی برهائله خون آلود اولان ظلمیه معاونت و بلکه ظلم واعتسافی تأمین اقبال واستقبالنجه مدار موفقیته عد ایدن ارباب خیانتك حالی نه اوله جقدر « فاعتبروا یا اولوالابصار » .

۲۰ اگستوس سنه ۳۲۴ در سعادت استیناف محکمه سی حقوق رئیس

ماهر

اعجاز قرآن

نه مهابتلی عنوان !.. اکبر آیات الهیه ، اعظم بینات محمدیه ، کافل کافه سعادات بشریه . جامع غایات قوانین مدنییه اولان فرقان باهر البرهان اسلامینک بیان اعجازی ... نه طاقتکداز بر بارکران !.. اوت حضرت قرآن . فصاحت خارق العاده سی ، بلاغت عجیرالهاسیله صنادید سخنوران عالمی اعجاز ایلدیکی قدر بواججازینی یازمق ایستیانلری دخی عاجز براقشدر .

بووادییه متوجه اولان خامه بیان وهله کنیدیسی پک هییت افزا بردریای جوشان بلاغت پیشگاهنده کوروب حرکت جوالانه سی برسکون آنییه مبدل اولور .

عوالم علویه نك الكبالا طبقات وصفحاته یتیشه جك قدر براستعداد طیرانه مالک اولان طائر علوی خیال برشمس عالم افروز کی آفاق علویاتی محیط اولان مرتبه بلند اعجاز قرآنییه منعطف اولدوقده جوارینه تقرب ایتمه دن بر فراش متعافت کی درکه پستییه سقوط ایدر . هیچ بر دلیله محتاج اولمیه رق عموماً مسلم اولان شو حقیقت قطعییه ایلر برابر حضرت قرآنك مفتون علویاتی اولان فحول ارباب ایمان عصر مزه قدر بر چوق خدمات برکزیده ایفا وفیوض بی انتهایسندن عالمی حصه مند ایتمه که همت ایلیرك علوم قرآن نامی التئده بی حد و پایان بر بحر فراوان علم و عرفان وجوده کتیر مشلدر که بونلر اوجه دندر :

(علم معرفة المکی والمدنی) (علم معرفة اول منازل) (علم معرفة اسباب النزول) (علم معرفة كيفية انزال القرآن) (علم معرفة اسماء القرآن) (علم معرفة عدد سور القرآن وآياته وکلماته وحروفه) (علم معرفة كيفية تحمل القرآن) (علم معرفة غريب القرآن) (علم معرفة الوجوه والنظائر في القرآن) (علم معرفة اعراب القرآن) (علم معرفة المحکم والمتشابه) (علم معرفة مقدم القرآن ومؤخره) (علم معرفة عام القرآن وخاصة ومجمله وبنه) (علم معرفة الناسخ والمنسوخ) (علم معرفة المشکل) (علم معرفة المطلق والمقيد) (علم معرفة المنطوق والمفهوم) (علم معرفة وجوه المخاطبات) (علم معرفة حقيقة الفاظ القرآن)

آفتاب آسمان ساحه وسیعة الانحای آفاقك وسعته کوره نشر انوار ایتدیکی کی او آفتاب اوج تجلی و عرفان اولان قرآنده کشفیات فیه نك بدایع طبیعیه نك جمعیت مدنیه نك معارف انسانیه نك ترقی وتکاملنه کوره اظهار حقایق واسرار ایتمه اولدیغی بالبداهه کوریلوب طوریبور . هر نه زمان زیور زبان قارئین اولسه شاهد دلربای حلاوت و طراوتیله افنده منوره مستعینی تسخیر واحکام جلیله الهیه سی مستعد هدایت اولان وجدانلر اوزرنده ذوق وهیتدن مرکب بر کیفیت مؤثره تقریر ایدرک عیون منتبه یی کریمه صفایه و قلوب سلیمه یی خوف ورجایه ، افکار صحیحه یی وادی حیرته ، ابدان مطیعیه یی قبله کاه جبروته قارشو توجه وعبادته مجبور ایدر .

او نشوه جانفزای حقیقتك زوالی متعاقب حیزآرای حصول اولان سکون روحانی اوزرنده ده انسان الآن قوه سامعه سنده حکمفرمای تأثیر اولمده بولنان او کلام لاهوتینک جمله کاه تبلیغه هنوز شرف افزای نزول اولمش بر کتاب الهی اولدیغنه قائل اوله جفنی کلور .

الحاصل قرآن جمیع منافع ومفاسد بشریه وبالجمله اصول وقواعد مدنییه یی مبین بر کتاب بدیع التبیاندر نه تقادم زمان ایله تبدل ونه مرور ایام ایله تغیر ایدر جامع علوم اولین وآخرین الحق « ولا رطب ولا یابس الا فی کتاب مبین » در .

جسمانی وروحانی مادی ومعنوی دنیوی و اخروی بو تکامل حقیقییه مبنیدر که انکله کتب منزله سماویه شرفیاب انتها وصاحب جلیل اقدس اولان نورعین عالم افند مزده خاتمه پیرای جمع انبیا اولمشدر . از جمله صباح الخیر حریتك شعشعه عیون آراسیله نهایت بولان او شب دهشت انکیز استبداده یولنی شاشیره رق نره یه کیتدیکی ونره یه باصه جفنی بیلیان اعمالر کی باشلیغزی دیوار ظلم اعتسافه اوره رق المریغزی راست کله بر استنادکاه امل بولمق ایچون هر طرفه اوزاندیغمز صره ده ایدی که قرآن عظیم الشاندر اشبو : « وکم قصمنا من قرية کانت ظالمة وانشأنا بعدها قوما آخرین » آیت جلیله سی کویا بزم شو یار واغیاری آغلادان احوال پریشانغزی نتیجه سیله مفسر اولمق اوزره هنوز نازل اولمش بر فرمان الهی ظن اولنوردی آیت جلیله نك مأل منینی « چوق قریه ومملکت اهالیسی که ظالم ومعتسف وتوحیده منافی احوال ایله متصف ایدیلیر بز آنلری قیروب افنا وآلردن صکره بشقه بر قومی خلق وانشا ایلدک » دیمکدر شو حالده شمدییه قدر فکرلرینی دوشونمکدن دوچار خشیت وکوکلری نتایج ایلده سنک تصویریه کرتار دهشت ایدن و تخیل وجودلری تتره دن وتقوه یی توپلری اوپردن نصل هولناک منتج هلاک ولهر یا بز اوچورومده بی محابا اوینامقده ایمشز . ایشته بر قومك یکنه سبب بقا وتعالیسی عدل و داد وموجب محو وپریشانیسی ظلم واستبداد اولدیغی مسئله سنک ثبوتیه ده معجزات قرآنییه دندر . هله صیادان استبداده خدمتله ذوق آشام مسرت اولمق مظالمخانه لرینی ظالمانه یی قدقلری بر طاقم بیچاره کان اولرینک انقاضیله یایمق ایستیان ومنافع شخصیه لرینی الحاصل ابنای جنسك مضراتنده اریان جسم ملت سلوکلرینک حسن ایفای وظیفه نامیله هر کون بر